

Edizione diplomatica

Image not found

<https://letteraturaeuropea.let.uniroma1.it/sites/default/files/Sg%20-%20carta%20083%20recto.jpg>

Arnaut daniel

Im fos amors de ioy donar tantlarga. ?cum eu son lieis
de uer fin cor e franc. ia de gran be nom calgra far enbarc.
qui eu am tant aut q(ue)spers men poien emploba. e can
malbir com es de pres en somba. mot men am may car
anc lausei uoler. quera sai ben q(ue) mon cors e mon sens. mi feran far
lor grat richa conquesta.

Donc si eu uai fagh lonc esper no(n) membarga. sieu tan ricloc mi
somes ni mestanc. don si bel digh mi rendran de ioi larc. e segrai
tan tron port ala tomba. quieu non soi cel qui laiss aur p(er) plomba.

Image not found

<https://letteraturaeuropea.let.uniroma1.it/sites/default/files/Sg%20-%20carta%20083%20verso%20%20a.jpg>

epois non tanh com re en lieis esmer. tant li serai fis e obediens.
tro de samor sil plaz baisan mi uesta.

Sa gran ualor el ric p(re)tz mi descarga. de grant sospirs don mi
dolen li flanc. donc pren enpais la fan el sofrel parc. q(ue) de beutat sor
las autres en comba. q(ue) la gencer pas caia pres un tomba. plus bas
de lieis qui la ue et es uer. car totz bos aips pretz e ualor e sens. ren
hon et en leiss eus non es meyns nin resta.

Image not found

<https://letteraturaeuropea.let.uniroma1.it/sites/default/files/Sg%20-%20carta%20083%20verso%20%20b.jpg>

E post tan ual nous cuies que sesparga. mes desirers ni ques
forque ni franc. donc non son mieus ni seus si ia men parc. si ma
iut cel quis mostret en colomba. quen tot lo mon. non es hom de
nuyl nom tan finamen esper granben auer. cum eu de lieis matenh
men non calens. pels deuinans cuidans dels drutz es festa.

Fals lausengiers focs las linguas uos arga. e p(er)datz totz los
oilhs de mal cranc. car p(er) uos son estragh caual e marc. camors
toles ca pauc del tot non plumba. confondeus deus e non uires
ia co(m) non fais mal dir als drut e uil tener. mals astres es qui os
ten desconoissens. peiors es on hom vos monesta.

Image not found

<https://letteraturaeuropea.let.uniroma1.it/sites/default/files/Sg%20-%20carta%20083%20verso%20%20c.jpg>

Amiels de be ia no(n)siatz auaria. q(ue)n uostramor mi trobaretz tot
blanc. don non ai cor ni poder quem descarc. del fermuoler q(ue) non
es de re to(m)ba.que can mendorm ni clau los oilhs ni son. uostre
remanc can leu non nau iazer. (et) nous cugeis q(ue) nabais mos ta
lens. ni ofara queu o sent en la testa.

Arnautz afaitz e fara lonc accens. cap sofrir fay pros hom
riqua conquesta.

- letto 2245 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-122>